

海
虞
詩
話

海虞詩話序

詩話之作濫觴於唐司空表聖二十四詩品而孟啓本事詩范
攄雲溪友議實爲說詩之權輿沿及宋元以迄昭代代有編纂
種類遂繁或錄全章或摘聯句無非因詩以傳其事抑亦藉詩
以存其人然多不拘時代不限方隅鮮有就一邑二百餘年之
詩廣爲摭輯者師白單先生吾虞詩人也嘗編國朝海虞詩話
十六卷將以續柳南王先生詩苑之後不特深揚風挖雅之思
更兼寓閘微顯幽之意惜屬稿未竟先生遽歿癸丑之春龐鄺
亭氏得其初稿并其文孫重訂稿於俞氏以爲此吾邑詩學文
獻之徵若不及早刊行日久必致散佚邀予同爲參訂於是校

其舛訛節其繁冗而尤賴張意溟氏詳覈攷正手錄成書遂謀
印本以資傳播並以酈亭氏所選師白詩草一卷附後嗟乎時
閱二百年作者數百人吾邑詩學之盛無待言矣讀是編者慨
然於單先生裒集之苦心與酈亭氏發潛之盛舉緬懷先哲以
挹其流風餘韻吾虞詩派庶幾其不墜也夫時在乙卯仲夏之
月同邑後學邵松年息盦氏敬序

單師白先生事略

小門人姚福均撰

單先生諱學傳字師白晚號釣翁常熟釣渚人少時有神童之
譽讀書一目數行能背誦爲文博瞻嘉善錢黼堂督學江蘇賞
歎不置聲噪庠序中吳竹橋太史養志家食呼爲小友俾盡讀
所藏四部書幾十年故其學深博無涯涘而著書遂多經類則
有經解求是四書旨辨兩種史類則有考古通史摘錄五代史
兩種雜家類則有單氏示兒編桂北詹言疑義問答藝苑拾訛
通俗珠船徵遠實略懸話紅麕行窩雜錄金壺汁菸譜恤類錄
肖聲譜無足怪也敬遠宜參錄求佛偶談十五種邑乘類則有
虞陽瑣載釣渚小志兩種姓氏類則有見單編虞陽詩話姓氏

兩種詩話類則有海虞詩話海虞風雅桔槔詩話無爲詩話單氏古芬集五種選家類則有國朝絕句大觀集續集名媛絕句大觀集三種自著詩文內集則有員桂堂古文古賦題跋詩鈔四種外集則有員桂堂駢文有韻雜文鈞渚詩詞玉情詞鈔賓待集餘集猶賓之集慰神集八種醫學則有痧證辨似未得家傳醫案兩種著述之富幾如明之楊慎胡文煥中歲先祖延之家塾命先府君受業焉故福均得知之詳晚年游汴時婁縣姚椿主講大梁書院時相倡和無何旅卒季子恩炳先入開封幕扶柩歸長子恩蘭字魁香亦有神童譽然不逮父矣屢試不售爲童子師無求於人日暮炊烟不起泊如也雜著有埽苔軒算

學千姓編懷古詩數種性好易取漢宋諸儒之說合於己者及
己所獨得者爲讀易易知一書詳晰該博說經有精義邑中易
學自孫氏讀易揆方後實賴之以延孫銘玉字丰裁亦有才名
官五河縣典史卒於任卽編次乃祖海虞詩話十六卷手錄成
書者

海虞詩話自序

虞山之陽本爲三吳文學淵藪僕生長於斯而少有吟癖習見風流文雅之士名章秀句輒戀戀不忍去手然力又弗能如王柳南之搜羅散佚選刻詩苑惟就柳南所不及收而及見其詩集并後輩以詩來質者摘選所愛輯爲詩話將置之篋中以挹虞山百餘年靈秀之氣蓋窺豹一斑可知全豹或見驥一毛未知全驥也若鉅製鴻篇收之轉少則專家必能自傳無待區區掇拾耳向來所見遺忘極多鈔寫不勤致深悔恨昔凌南樓先生竹曾編當時同邑人詩十二卷各繫小傳惜其書不傳謝憲南謂虞山多才不遇而死者甚夥乃廣搜博采撰虞山人文前

後兩集亦各系小傳寒窗宿齒賴以不泯今爲陸續登輯或附遺聞稍釋作意竊綴評隲其閒者用記一時心賞蘄合詩話體裁非敢妄操月旦也時道光癸未小除夕師白單學傅偶書

海虞詩話題辭

幾多炳炳又麟麟大半書生姓氏湮不識深宵呵凍筆是人傳
我我傳人

道光甲申小除夕鈞翁題

侯輕萬戶忘窮通待後守先道亦同邀徧此鄉斷髭客與登麟

閣問司空

司空圖詩儂家亦有麒麟閣第一功名只賞詩

難除豔語爲防微別有雙眸獨見機昨夜春潮漫琴水冷冷如

聽七絃揮

拂水巖前自葬詩二錢遺蹟訪無知

前明錢仁夫事丁南湖爲作詩家記錢陸燾亦癡詩

拂水巖前 百年嘔出心何限東澹編餘可拾遺

雷封百里地規方秀氣盈盈貯錦囊更上海巫峯頂望幾家珠
玉尙緇光

道光丙戌春正鈞翁又題

搜訪辛勤且卅年一鄉遺籍漸成編腐儒生世無裨益想慰吟
魂到九泉

道光己丑四月又題

海虞詩話姓名目

卷一

季京

鄒嶧

陸輅

陸宸鑰

歸士瑀

單嘉猷

蘇先

范君輯

徐鉉

徐鎮

歸允弼

歸允哲

顧柔謙

以下流寓

顧祖禹

錢嘏

張文鎔

僧止嚴

卷二

孫秭

歸允肅

錢元英

陸政

單雲瑞

單鄭思

盧定

范上貞

蔣漣

歸淇

譚紹隆

陸宸鎔

席祐信

王應奎

顧謙

潘仁

許炳

歸鏊

錢嶸

孫芝田

趙世鉞

謝忘

流寓

蘇陳潔

以下女士

王慧

章孔榮

王蓀

吳綃

歸湘

潘氏

卷三

歸鴻

楊晉

孫爵昌

張濶

單謨

馬元馭

黃曾憲

譚位坤

席鏊

丁斌

張朝績

吳袁維

江藻

徐彝

須敏

姚俊

鮑楷

許廷錄

陳典

王嶼

瞿勳

許淳

蔣柑

張道淙流寓

僧德立

僧德元

俞松道

褚氏女士

卷四

王峻

李崑發

劉天立

屈琛

趙森

黃大復

金鴻

張旴

王琛

張仁美

陶漢

許朝

邵齊齋

葉上葉以下流寓

吳思勉

吳思敏

僧律然

許在璞女士

卷五

鮑溪

顧晟

魚元傳

章應麟

王大椿

吳駿

姚江

周霖

蘇汝礪

譚見龍

唐黼廷

邵齊熊

邵齊然

陳士林

范章承

王湘

潘鎬

黃叔燦

吳大烈

宋金銑

歸純仁

張廷模

言昶

鄒漪

鮑捷勛

王陸禔

顧鎮

趙貴和

吳東材

單勛

王玖

楊景修

楊景崑

仲之誥

鮑岡

僧龍

僧聖通

僧琛

卷六

金大椿

王文械

單德棻

姚齊宋

邵步瀛

黃士鎔

邵倫清

蘇去疾

周棨

趙同翽

言朝楫

倪賜

沈啟鰲

湯鼎

周兆鼐

史慶全

范春林

何忠相

流寓

僧果唯

僧化葦

卷七

王岱

吳輪光

王本智

范柏燠

金樾

金輅

高桂捷

周昂

瞿 頤

董如珪

朱宮桂

錢 美

金 琳

柏應曾

陸金鱗

曹士俊

張敦培

俞 江

僧明印

席 筠以下女士

蘇 琇

席仲田

包鏡清

卷八

蔣 杲

許金照

周天田

嚴 祺

管坤載

陸景雲

蔣 侯

黃竹堂

陳聲和

單繼華

單際周

吳蔚光

李書吉

許 枳

沈庭暉

龔 瀨

馮文植

嚴大綸

許 浞

朱正己

僧顯更

繆端以下女士趙秉清

卷九

翁咸封

曾濟

邵培惠

江熙

張礪

徐涵

邵廣鑑

王清蘭

張大鑑

錢受鴻

華庭桂

朱景周

趙同鉦

鄭德懋

許廷誥

姚文起

陳向榮

吳耿光

錢大論流寓

僧妙海

僧真靖

吳靜以下女士張蘭森

卷十

言朝標

胡鳴謙

瞿青垂

鄭談

吳嫩基

湯啟甲

席鎬

沈鼎

張燮

黃泰

嚴本中

席亮

邵大銓

席世枏

趙元紹

席仲甫

毛琛

楊文鐸

流寓

錢珍

女士

卷十一

張焜

吳炳詔

蔣因培

張榮

單繼盛

屈培基

楊景仁

屈振鏞

景燮

董金章

毛晉昭

席煜

曾涉

蘇孫瞻

丁杰

程梓諧

陳錫桂

陸去病

僧行遠

鮑印

以下女士

陸芝

季瑞貞

卷十二

曾豫謙

孫原湘

吳峻基

董錫光

黃瑞

龔榮

歸肇行

趙允恭

趙元愷

錢粲

童得

顧敬

朱詒燕

趙同標

黃金鑑

王家相

周敦濂

周榮鼎

周僖以下流寓

錢泳

席佩蘭

女士

卷十三

翁苞封

陶桂森

翁心傳

蔣鎔

張鳳池

曾祐謙

姚錫範

江抃

蔣繼燿

嚴景煦

鄧琳

陳觀理

鄒位能

郭忠訓

季士訢

吳亥

單學敏

湯錦

王恩照

陳祺以下流寓

殷鏘

僧際昌

曹芸以下女士 屈秉筠

卷十四

楊希濤

秦承孝

章俊民

徐仁

吳協忠

沈毅

張豐玉

王順

姜鉞

姚錫鬯

程學思

衛栻

吳幟

王茂森

金慎思

錢廷鏞

陶晉

錢瀛桂

姚素珪女士

卷十五

翁心存

江之升

黃金臺

邵淵穎

查鳴球

馮晉璋

顧召春

席振達

徐朝忠

楊旭

吳湘

趙允懷

單學太

單學元

王應申

歸章

張爾旦

蔣寶齡

沈述祖

范顯達

朱克緒

邵淵潤女士

卷十六

曾彬文

曾鎔文

陸潛

秦爾馨

錢敦禮

李卿華

張蓉鏡

周炳

蘇景韓

屈允升

陳光鈺

毛俊

倪士麟

陳琳

言尙熾

徐攀桂

許乃昌

顧椿年

王湘

孫燧

宗晉

范錫章

平豫

范璣

吳熙

時埶

楊森

周鏡

王朝忠

流寓

姚晚真

以下女士

張毓珍

桑素青

季蘭韞

宗婉

吳康承

海虞詩話卷一

單學傅師白輯

季遺民京字軼萬宋太常卿陵之後明爲文村望族錢湘靈序
其浣花集稱軼萬明年八十而予又加六則輩行相同也詩工
琢句窮到不知方有味老歸無用始爲安馮寶伯歎爲名句餘
如對月情長憐夜短惜花心熱怨秋寒愁來仗酒爲奇陣老至
將詩作內丹蛛絲傍晚垂簷織石髮披階倩帚梳人間樂事惟
憑酒世上危途半爲才青眼對人惟竹葉白頭知己只梅花衣
寬始覺形骸瘦食少方知骨力孱春社風光花作主詩壇聲氣
酒爲謀家貧尙可償詩債年老還堪犯酒讐秋水急流天欲去

暮雲徐散月將來身悴幸留詩骨健年衰喜閱世情多蓋皆宗
仰劍南者家有海棠繁盛罕匹俗有季家海棠十八瓣之說故
白隄賣花者輒以文村種三字簽標於海棠而里人則呼爲東
皋錦樹

鄒遺民嶧字桐君學詩於錢湘靈自名其集曰蒸菌鬱勃可知
也惠山泉云造化結脈處靈奇豈偶然山川孕精液珠玉媚澄
鮮味自勝三峽名尤著二泉君看此涓勺沾漑自千年登金山
浮圖云客心壯天險勝覽厯層軒直自雲霄近憑他風浪奔蛟
龍抱欄楯金碧滉江根繹繹瞻佳氣周遭萬嶺吞又連營列烽
燧飛角海門來敢有鯨鯢動將無鴻雁哀深沈愁鐵鎖寂寞憶

金臺俯仰青冥上雲煙颯颯開敗蕉聲云刷破綠天影淒殘夜
雨心猶將展卷意來對倚欄吟颯颯風無力翻翻月有陰池荷
休共語幽夢怕相侵佳聯則登鳳凰山云人語征鴻上秋聲落
葉中濤聲云魚龍驕欲語天地劃爭迴對雪云天地不分常似
曉雲山無影只爭高纖埃不起三千里瑞色平分十萬家又清
明日雨有柳色斷詩魂句晚晴望虎邱七古一篇起云日車半
側紅雲繞綠陰漲起湖村宿穹窿峯嶸二山名奔翠來虎邱撐出
浮圖小尤奇逸可喜

陸別駕輅字載商號次公陸氏在明爲簪纓世族父名尊禮構
嘉蔭園於辛峯之下鑿山開沼亭臺繡錯爲城中勝地次公由

知恩縣擢遷通判撫州府因重葺玉茗堂半載告歸堂適落成
徧召太守以下官僚泊郡中士大夫送入湯臨川木主出所攜
吳伶合樂演牡丹亭傳奇竟夕而罷題詩二首云百年風月話
臨川錦繡心思孰與傳一代人文推大雅三唐詩格會真詮常
看宦味同秋水卻任閒情逐暮煙奇絕牡丹亭樂府聲聲字字
徹鈞天也學先生曲譜緝還魂珍重十年論偶尋煙月金谿岸
重整風流玉茗垣白雪當時憐和寡清商此日校淵翻不才奈
有歸田志負卻春秋祀執幡時江左右傳其詩多屬和者王阮
亭居易錄嘗記之次公旣解組居鄉尤樂輸金作善事並拓園
池亭館皆有題署西堂雜俎有十五松贈言序卽其十五松山

房也名輩自錢員沙以下皆時聚於此爲文酒之會園林十詠如歌聲花底出月影樹梢來令人神往於清華境地年九十三而卒子宸鎔孫國瑛曾孫金鱗皆舉人

陸文學宸鎔字若士又字殿青號曠道人次公猶子著曠菴詩集篇什極富予止見其手稿三冊皆暮年之作殆未付梓而散佚也其二大冊已剝蝕十之三四不復可讀一爲康熙戊寅歲集一爲己卯歲集一爲暮年之作己卯共得二百六十首時年六十四矣此後所作尙多曠菴少年席豐履盛南北馳驅冒巢民訂以詩云他時明月雷塘路重遇風流杜牧之則飛騰綺麗可想矣中歲家落老益貧困其七律摹倣晚唐許鄭諸家有過

之者書無不讀名流之外又與衲衣還往故亦旁通內典三峯

寺中渠家故有捨田也詩非多錄將化烏有然亦豈能全錄乎

戊寅歲朝次錢湘靈韻二首云喜占歲月並逢寅檢歷先賒九

日春

丁丑十二月廿三日立春

琥珀香浮椒酒熟琉璃光暈佛燈新藥欄瞥

見梅如玉

玉磬梅盛放

丹竈何來雪作銀元日圓沙詩律細那須子

建可相親

杜詩詩看子建親

又得流年遇戊寅

時年六十有三

近山老屋榜宜

春兩朝綸誥雲霞古四世棖題雨露新

懸先太守以下五大夫暨王父贈公遺像

尙

許談鋒雄似劍不知鬢影爛於銀一杯婪尾酩醕後且與南窗

破硯親

新得吳夫人鴛鴦硯之半歛石之最佳者

同鐵菴司寇撫州家叔遊瞿留守

故園云入門猶記舊春暉下上亭臺迹半非苔鎖斷垣春自老

塵生懸榻客誰依蒼山盡夜聞猿泣華表何時見鶴歸只有無
情桃李樹落花隨處傍人飛疊和去花主人自壽詩四首云歷
徧滄桑六十年水村山郭有因緣丹霄親受仙人棗紺座常依
佛國蓮閒挂酒鎗雙足健苦敲吟鉢一燈然江東人物孫郎在
肯與盧王較後前短褐高冠年復年交蘆室畔自延緣詩宗東
澗村紅豆東澗別墅名紅豆村莊禪學西溪社白蓮好夢春濃情似醉名
花山暖豔如然杜詩西山花欲然遊蹤不定隨時健多在龍潭鵠嶺前
南皋風景自年年天與閒身少俗緣繫杖青蚨尋白墮埽庭黃
葉煑紅蓮名稍放歌種豆悲楊惲到死持籌笑計然一卷維摩一
聲磬如灰心事佛燈前穠纖一鶴語堯年甲子重新斷萬緣愛

看龍孫

產辰州

因蒔竹欲親君子每栽蓮墨花硯匣呼童洗藥火

丹爐信手然更有桂香天際發秋風披拂小山前

指令

與服之

云分手山寮兩月餘窮居情味近何如詩添椰子功餘課篋理

先人勘牋書訪舊秋高應縱屐問奇客好想停車摩挲大樹英

風在肯倚浮夸賦子虛

服之讀父書少英敏能詩善畫有骨力
精刀製挾奇走險以功名自負今願唐

且老荒山敗屋課
子食貧無聊甚矣

題桃李村莊堂川西園唱和原韻兼以奉懷

云別墅臨湖稱燕居春花秋草儘如如每嘆歸去常酖酒

陶還

笑窮來不讀書

沈攸

結隱心期梅少府感時詩格魏黃初憑欄

饒有移情處十里山光映戶虛不似湘潭要卜居平泉金谷竟

何如閒尋點黛張卿筆健讀騎牛李密書桃塢豔侵三月早漁

燈光閃二更初村莊近郭堪偕隱何羨干旌下碧虛老我山隈

歎索居英英犢鼻念相如自饒董相驚人策不作虞卿感遇書

月正欲圓融雪後春將過半落梅初江天百里寒風緊跼蹐何

緣解駕虛

西園借
窗江色

再疊前韻效晚唐體云莫邪城畔好閒居水

碧山青盡不如

杜甫
句

槐葉雨零丹竈火杏花風展竹牀書沿隄

犬吠歸舟近隔岸人喧上市初劇喜掠泥雙燕子傍晨幾度觸

簾虛南沙僻處

去聲

避塵居門外湖光鏡不如逸趣子山枯樹賦

憤懷叔夜絕交書黃雲漫割蠶眠後紅雨斜飛燕乳初畢竟衡

廬堪嘯傲壺天蓬苑總憑虛舊是棲雲逸士居肯堂今日較何

如

西園自序云昔是吾
祖棲雲散人故居

嬉春賸有判花句守道曾無索米書蟻

夢撼柯朝雨後蝶魂醒枕午風初考槃歌罷閒閒在病渴嫌他

賦子虛虞山晚眺應蘇州梁司馬教四首云烏目山高聳海東

振衣西望夕陽紅太公釣渚微茫外帝子書臺杳靄中一虎憑

牀蕭寺古六龍擣穴戰場空

句指張士誠言其浮海入吳道由虞山戰場在山巔

登臨無

限情深處暮色遙侵碧樹叢芙蓉倒影媚晴湖落日籠霞燦畫

圖華表蒼涼言子墓羽衣寂寞慧車徒

仙人慧車子穩

白龍血戰青山

破紅鴿丹飛碧甃枯倦鳥投林歸興切孤峯何地著潛夫石城

淪廢扈城連千載亡吳極目前養鹿有園歸牧豎釣魚無渡感

桑田珠宮梵闕徒參錯宰樹豐碑各蔓延斜日銜西多紫氣夫

差古廟總荒煙

石城吳置西子處扈城則其外衛也今俱廢鹿苑在城西四十里釣渚波在南三十里皆吳王

故蹟登山 聽說江村駐蹕時太常親自捧鸞旗北來車馬橫河

朔南渡勳名重鼎彝入暮雲巖空藹藹近郊禾黍漫離離翠微

深處清風好盤礴松陰寄遠思

宋高宗南渡季太常抱太廟木主先奔虞山之東村後駕幸其

第載以去今梅李鎮文村即其地

同錢木菴北園紅橋晚坐云平橋偃坐向遙

青無限晴光上畫屏幾陣晚風催墮葉一池秋水冷浮萍憤時

爾自張髯戟落魄吾方感鬢星直北芙蓉看最好此中原近草

玄亭瓊州昌化令陶紫司以進士起家未久歿於官哭以十截

句三十年前識此生鳶肩如削兩眉清小樓促坐談深處忽聽

風檐蹴踘聲

甲辰乙巳閒與徐墨園洪正平錢子季等結酒社恆至陶彥節家時紫司未弱冠跳躍自喜蹴踘舞

棒以臂力和誇僕言何不學文墨園曰是特聽穎初學操觚已能作驚人語必成名士但須吾輩掖之耳 好奇意氣

海虞詩話

卷一

六

銅華館

欲凌雲吾黨髫年誨一羣灑埽西樓作去聲西塾阿蘭差喜也能

文兒于政小名蘭乙卯延紫司主西席翩然策蹇走長安席帽迎風衣褐寬腹有

郝隆書百卷高談叩闕請泥丸丙辰紫司辭館遊京師欲以布衣上書效力行間憐其才者延

舉公卿竭力阻之乃止長裾落落颯輕塵驟以英才列上賓那識膺門聲

價在此身先已作陳人吾邑達官因紫司孤生崛起特爲一官檢粟入太學飲食教誨備極恩意

海角類投荒三載心期字兩行卻笑文潛空盼遠寄來新杖少

桄榔紫司將赴官寄予書曰先生來歲花甲聊寄四韻預祝三年後得棄官旋里與二三耆侶徜徉青山綠樹間以畢餘生豈非首邱樂事此言得非妖纖歟又曰張文潛風度無恙桄榔杖七尺當於來春寄至此紫司以端明自許也然稍夸矣

倚伏何嘗有過情此中消息幾人明廊生老死終軍少誰謂天

公獨忌名人言紫司文名太重天故嫉之然自來不乏者年頃德惟是天心忌盈疎削太過則鬼神怒之耳天地尚

有缺陷豈容人不稍留餘步故明紫司之歿有餘痛焉

欲問歸程瘴海濱臨風南望卻遼

巡一家飄泊蛟龍窟惡語傳來冀不真

喧傳遇風沒舟全家飄沒

曹娥死孝

屈平忠千載孤魂白浪中何似長沙小孫子桐棺海角遇剛風

粵賈言陶令四月四日起程是日惡風覆二舟未知誰氏舟也若遇剛風破舟尤可慮

皓首交情一歎中

淪胥誰爲問蒼穹手紋挑澈成何字破壁塵埋彈血紅

用陶侃事如

此功名死亦冤神傷終日我何言馮夷宮外漫漫路何計隨波

哭寢門右皆在二大冊中佳章不止是也又一冊較多牢騷之

音暮景可悲矣寄蔣文孫憲副時分巡濟南云疆分齊魯領諸

侯濟上旌旄控上游畫戟春深風草偃星輶霜壓海天秋平收

岱色尊三輔直探河源辨九州莫道此方難臥理漢家伏湛有

嘉猷佳句如坐辛峯下云煙容隨樹宿雲氣與山平雨過云乍
涼衣被爽迨曉夢魂清近况云歲晏徵求急年衰臥起遲秋蟬
云落葉驚殘夢斜陽入苦吟湖長潛鱗活林疏返鳥愁七言則
終身不作趨時語到處常懷弔古心固窮不愧真君子作達甯
同小丈夫年當垂暮身如贅酒遇無情飲更醒人老有文惟罵
鬼途窮無算不輸人錢靈不賣三分傲藥聖難醫萬種癡皆不
忍不錄餘付遄飛楊君刻入幽光集若士子名政廩生政繼配
蘇陳潔皆能詩

歸文學士瑀字石林號蒼石崇禎八年遊泮以畫山水名於時
詩有柳窗小詠孫永祚序已佚僅得題畫一律云巘岼峯影卷

迴隄山徑樵行恰易迷飛雨帶紅來湖北斷雲含翠渡橋西重
扉花暗傳琴韻晴檻松深聚鳥唳山靜畫長春草碧曾邀佳客
到門題風格殊凝鍊

單文學嘉猷字徽仲順治八年遊泮爲文敏速邑中文士多從
之遊詩詞書法皆工新霽云積雨林薄昏溼雲漫巖屋出門望
陰晴快靚開初旭高峯聳螺髻潤澤比膏沐池塘激灩波半沒
新生竹草深蛙黽喜繁響出叢綠落花淡無言點點灑春服老
農急磨鋤隴上來粦熟往矣適予情正可騎黃犢蓋多雅潤之
篇此可見一斑也詠讀書燈云莫嫌如豆燈光小照見千秋萬
古來至今人猶傳誦

蘇畫師先字子後號墨莊寫仕女尤爲時所重詩才豪逸生於明代少時以新柳詩見賞鉅公歿於康熙四十五年庭中手植梅著花甚繁作短歌云去年梅開花尙少今年花開多益好花開歲歲春長在種花之人花下老君不見拂水山莊三十樹照野拂衣如白霧又不見臥雪亭前雪一叢千花萬朵搖春風花正開時主人出地北天南看不及幽禽空對語關關夜雨徒沾香裊裊見花忽憶倚花立索笑不休相對泣百歲看花能幾回人生何苦長汲汲病起云一家明月清風我三事孤琴濁酒詩避兵云水村莫作桃源看農戶家家盡買刀自有清致子鉉字駿聲亦能詩弗逮也

范布衣君楫字施字號逖菴居釣渚手錄巾箱書頗多所著有
廿一史括要二十一篇編次理學四卷常熟志略五冊枕流集
詩文稿若干卷以無鐫板搜索未獲少時聞先大父俊明公誦
其天風吹鶴墮溪月照鷗眠之句以爲工又嘲筍有實心何日
得虛心七字亟存之

徐處士鉉字玉田著有樗菴集讓川侍郎恪耳孫也恪祖名德
賢字孟明卽明太祖詔旌詩禮傳家者所著靜菴集中有云予
家有先隴在虞山之南邵家灣自元末兵燹之際不封不樹今
無考矣因賦絕句云病人行古道瘦馬上高山今日傷心淚流
緣邵氏灣追遠之思藹然發乎仁孝致足感人也樗菴爲錢湘

靈之甥詩有熏染詠水仙花云洛女容何淡湘妃色可餐
條然低首立渺若畏人看膏露融金盞香風拂玉盤洞庭君不類
渾欲怯春寒不黏不脫恰到好處

徐處士鎮字孝封玉田弟也著有己酉課餘月下與諸兄對酌
得詩云杯中有月影吸酒卽吸月皓月入胸懷我心成月窟卻
爲我心無轉移翻嗤月影有圓缺斗牛白氣亘不沒豐城寶劍
無人掘何時得在俠士腰斬盡虎狼與蛇蠍亦奇傑也子澄詠
蛛網云黏得落花綳錦幔帶將飛雨蕩珠簾亦工

歸上舍允弼一名煥字右直惺崖宮詹之兄記覽博洽詩文善
隸事著有蔚軒詩文稿應試輒以鼻衄污卷而斥康熙癸未子

鴻成進士君年六十四其冬天子西巡回鑾至順德獻詩二章

蒙恩收覽傳示隨駕諸臣有志幸詩云一介姓名邀睿鑒含哺

鼓腹更何營蓋榮名爲寶之念不以老而衰也七十三歲自嘲

二律云五十年前二十三成句忽驚白髮已氤氲縱能徒步將誰

訪尙欲登科恐不堪紹興中陳敏修年七十三登第揚子擬經經未就白公薄

酒酒須酣南村幸有同心侶浩蕩堯天且學憨四百四十五甲

子二萬六千六百旬舊德每嗤長樂老酬觴竊慕葛天民趙村

看杏重來未鄭穆辭官取伴新自註鄭宏中學士年七十三表請致仕劉貫父曰不可遂其請

留取伴八十四底謂文潞公也長憶放翁詩句好此心猶與物爲春詠佛手柑

一聯尤佳迷津恐陷煩相引彼岸將登試一攜並著有經疑史

測五七種今皆不傳

歸文學允哲字濟瞻號蕉園順治八年寄籍吳縣入學性寬厚
有老佛之稱養蠶詞云朝采桑暮采桑朝朝暮暮何倉皇大婦
停炊不得食小姑倚枕何曾息寒須火溼須拭親朋卻絕無顏
色看看上箔繭離離自謂今年勝舊時舊時絲盡衣裳破今歲
贏餘定堪賀家長料量夜不眠完租償貸賸無錢年年只爲他
人計計到來春又惘然曲折有味

顧逸士柔謙字耕石無錫人鼎革後改名隱攜子祖禹寓宛山
以教讀自給與華約堂范鈍翁爲同庚三老皆遺民之有品者
詠史云大臣功名會每不保令終功高身益危名顯禍彌崇主

眷或稍移快快難爲忠周旋三朝老卓哉韓魏公定策立二帝
片言調兩宮竄佞嫉申嘉善諫賢觸龍寂然不動色欲然敢居
功庶乎君子人令名垂無窮又吾愛邵夫子積學究天人德器
淵且厚貴賤悉見親莫測同大海可掬如陽春衆正方有爲高
尙噉出塵今之稱學者氣質殊未馴胸無半卷書居然出長民
崇己以凌物誰復甘賤貧度量遠相越試看古今人田家云田
家本村樸意頗好文人目不曉詩書識字爲可尊衣食苟有餘
卽思教子孫敢望列科第使足記姓名慧勿誘之巧愚貴留其
真因材以翼之不失爲良民苟有負老農甯不忝斯文爲村塾
師如此卽可知其情性矣

顧逸士祖禹字景范隨父寄居釣渚范鼎九家故自號宛溪子
柳南隨筆竟以爲邑人非也著有方輿紀要爲地理家觀止之
書徐健菴修一統志三聘始往旣成將列其姓名上之朝景范
不可至欲投死階石其堅志如此蓋甘爲勝國遺民也送王石
谷惲南田詩云秋色牽衣戶半扃君行應念此園亭桐枝濯濯
傍檐綠竹葉垂垂帶雨青別意欲言思轉遄愁懷難遣酒無靈
漫勞握手增惆悵他日還添兩鬢星

錢徵士嘏字梅仙號堪齋祖籍吾邑之鹿苑遷居太倉雙鳳里
已五世矣君爲陳確菴高弟行誼著述詳載其族兄員沙老人

所撰墓誌

附刊堪齋詩集後

曾氏志仍列爲邑人頗未審核今姑錄一

詩庚午秋訪稼書侍御於長春寺宦情泊如也未幾兩上封事
遂放歸讀其疏草慨然有作以寄之特矢丹誠皎日中行藏磊
落古人同居官夙懷懸魚操封事今高折檻風欲向狂瀾爲砥
柱豈知鳴鳳作歸鴻比來最喜聾雙耳偏聽先生疏獨聽餘七
律皆跌宕高華希風沈宋存此亦足表氣節也又僧同月上山
五字予特愛之

張處士文鑑字以純號就菴本休甯人明末自嘉興徙吾邑十
歲應童子試以冒籍攻去後欲歸試路遠竟止讀書勵行以陸
觀菴爲師周以甯錢梅仙輩爲友字法松雪汪簡菴宰新都還
慕其品每令幼子與遊卽東山修撰也居文星橋西鶴來降庭

作來鶴詩云乘軒未卜他年事且向幽窗伴讀書一時投贈詞
章甚夥晚年旅食吳興詩日豪健和周以甯秋感云獨抱遺經
世寡諧居今稽古邈無儕王風蔓草荆榛恨古道秋飆禾黍懷
俗事豈容懸齒頰素心相與忘形骸月孤竹冷西窗宿夢繞漁
歌釣水涯忽忽無成鬢已絲藥鑑經卷不曾離老當益壯觀書
得富不如貧筮卦知蝕字得仙憐蠹苦採花成蜜笑蜂癡此生
壽數憑天定篤疾經年似趙岐和陳在之先生癸亥落花詩

案原

序云幹窮於癸枝窮於亥癸亥三春不日下月桃李
李蹊沈亞臨路斷潺潺溝水時見落花故有是作妝飾枯林賴

百花花神何不惜芳華卻憑風雨侵欺殺祇道君王判斷差夢
裏但宜爲蛺蝶眼前惟恐似蝦蟆

鹽鐵論鹽池盧
之人如涿歲之蛙謾言芍藥

天留得因在長安富貴家
裹足埋頭今更宜枉催羯鼓憶前期
恐爲魚鼈沈諸水擬向鷓鴣借一枝
有淚哭春人起早無書乞
米午炊遲灌園未辦扶陽手
寄語東山莫賭棋花陽淒涼麥隴
荒黑雲猶是蔽天光
名園古有文章據春樹今無錦繡妝
應訝亂紅埋兔窟鶴驚溪漲失魚梁
可憐雨不知時至勝是三秋殺
草霜桃腮杏臉淚交流如此泥塗豈可游
且與故人論比興更教小子讀春秋
忍飢錦雉應憐尾尋豔黃蜂不轉頭
梓澤蘭亭傷異代於今天幕足淹留
電笑霆嗔天未醒人憂似梗逐浮萍
春光一雨洗都盡世味千波濯亦腥
杜宇枝頭懸蠟燭百勞溪上趁蜻蜓

杜詩偷眼蜻蜓避百勞

麥如腐草猶徵稅除是多收幾斛螢

堰開渠每荷裝可憐錦段委狂波芳蘭卻使根先爛蔓草翻留

劫外過燕得香泥穿北戶

梁簡文燕詩
銜花落北戶

蟻加封土到南柯傷心

記得前年事轉饑民似此多

宋中兩年
旱潦相繼

慷慨悲歌作意飛動

非習爲學究語者所能彷彿也亦有集二卷中佳篇尙不盡此

王柳南與其猶子道浚交而詩苑選道浚詩未及就菴與就菴

之子道淙又就菴和高青邱十詞牧牛紡紗二詞詩苑見周楨

卽以

名下俱疑團莫剖者也

僧止巖字豁堂號藕魚浙江人明鼎革爲僧曾主三峯寺方丈

書畫兼工有同九草二卷王漁洋特重之田家云田家無他望

所望在平畦但恐終歲力不得遂其私何哉造物者亦得厚我

施夜來微雨過使我菜麥滋登邱一憑眺秀色遠參差此時桃
與李豈乏好容姿願予樸野性獨與此相宜及時務耕作那敢
貪天時沈歸愚謂近陶公性情不在面貌予謂只寫得田家真
意出遂覺超凡耳

海虞詩話卷三

單學傅師白輯

孫文學祕字巨禾本芝方伯朝讓長子順治十四年游泮改名承澤占烏衣之門第誇白雪之詞章旣而困頓場屋益肆力於詩年登大耋雖傷貧歎老而意氣不衰著有詒壽堂集吉廬集得閒集皆不署名又肯閒齋集署孫承澤巨禾著蘇耕漁家藏其舊鈔本但諸集中詩多相同又或署孫餘慶伍筠著豈一人而改名者耶今摘其聞在杜林殿元之命云宮花壓帽殿頭榮身逼雲霄九萬程射策競傳三唱首讀書爭羨十年成春風花簇瓊林杏喬木聲喧上苑鶯吾邑科名推盛事後先周甲數同

庚自注本朝前後戊戌狀頭俱吾邑人可稱盛事

癸卯重陽述懷云潦倒名場三十年

升沈各判倍茫然籬邊綻菊同陶徑闕下掄才羨祖鞭

自注重九會試

正值登山開笑口何堪落帽歎華顛也知世事如棋局無奈輸
他一著先西城外望大石山房有感云荒祠一望尙峨巍面對
西城似帶圍先世風流孤石冷累朝敕命暮煙微亂鴉點點飛
還止古木蕭蕭遠更稀何故簪纓今歇絕只緣年少半輕肥餘
如躬耕食力慚求仲減竈更炊愛伯鸞齊門鼓瑟非投好卜璞
無媒枉見疑知音何處尋焦尾長價無期斂莫耶可堪祖烈遺
三世敢道家聲已百年天道豈容人太滿世緣獨歎我無多不
求生計千頭橘卻羨孤標百尺松又如金雖散盡甯知惜棋欲

終時始悟低身爲怕寒經臘苦心非因熱喜春佳相異爲肩原
不賤囊無鵝眼自應嘲鳩不能巢惟占鵲鶴緣求食豈防鷹聞
諳世態宜酣睡老識人情怕遠遊佳聯多不勝摘卽此可以知
其梗概矣

歸宮詹允肅字孝儀號惺崖康熙十八年廷試第一學行見志
乘其集出最晚故柳南詩苑歸愚別裁皆闕如予先在張止箴
處見手稿一冊曰燕游草詩皆簡質厚重嗣又見其孫嘉慶十
年所鐫詩文集則燕游草中作不盡在也康熙二十年奉命典
試入闈卽事云冰銜夙昔凜清秋大典光膺鳳沼頭愧乏文章
麗奎壁謬將藻鑑別驂騑廿年攻苦盟心久一日聲華感遇優

聖主儲材資廣廈梗枿杞梓應時收有闡中誓文其略曰允肅
等素著清貧謬叨榮遇期爲朝廷遴選真材不爲身家營謀私
窟勿通關節而徇暮夜之情勿顧恩私而開朋比之路絕夤緣
奔競之階務求實學杜浮薄誇張之習不采虛聲儻或爲利營
私徇情欺主明正國法幽伏冥誅甘受妻孥戮辱之慘必膺子
孫滅絕之報潔誠具告神其鑒之八月初八夜聚奎堂會擬題
目進呈御覽紀事云奎堂對坐漏聲殘燭影搖紅曉色攢四子
傳心期共貫五經微義析應難禁鐘遙動金風肅星漢無塵玉
宇寒親捧御函當檻立翹瞻北斗正闌干蓋順天鄉試正考官
向以新科殿撰主之自明初至我朝相沿無異所取故多有聲

望趨聲氣之士宮詹守正不阿榜發下第者譁然幾興大獄魏
司寇象樞以朝端重望步行隨一僕持紅氍毹至門外行四拜
禮曰我爲國家慶得人也且賦詩以贈曰曾因一面識端人實
踐躬行事事真不愧榜中名第一公門收盡上林春由是滄訛
始息然新科殿撰主順天鄉試之例亦遂停矣

錢文學元英號果菴居西塘橋觀刈稻云昨宵瓦冷降新霜起
視田疇刈稻忙莫笑腰鎌沮溺事此中長久福兒郎語雖淺近
然澹樸可喜

陸文學政字虞在號蒼巖若士子冬日次張鐵岡韻云揩撐門
戶歷艱難此日誰憐范叔寒常笑夢魂輕富貴何知鬢髮漸凋

殘狂來著眼乾坤窄興到披書歲月寬喜得孟光同夜話譙樓
聽澈是更闌三四清空有味繼配蘇陳潔詩尤工

單孝廉雲瑞字甸揚號紀軒康熙三十八年舉人游錢湘靈之
門文與陶子師齊名詩更豪邁渡江云莽莽江天盡獨銜遙山
凝霧失巉巖濤頭怒湧魚龍氣萬里長風月一帆少年嘗與嚴
思菴蔣西谷等爲詩會三月大寒公詩先成有云蛟龍返澤窮
冰阻日月行天急雪飛一時斂手不復成詠自此亦竟不與人
唱和

學傅高祖聞聲公諱鄭思自號醉月主人又號非非先生以鄭
姓思名遊長洲泮嘗教授玉石谷家四五年故石谷畫卷中題

跋多有出公手者清暉贈言中亦刻三詩晚年喜釣獨掉小舟
於苑山佳菱諸蕩之間筆牀茶竈吟嘯酣嬉有張志和陸天隨
之風見者咸呼爲單公船焉呈譽翁夫子云在茲誰是寄斯文
仰止高山理學醕師說共欽韓子愈儒宗爭慕賀公循一盤苜
蓿琴書古數仞宮牆禮樂新會是三鱣有佳兆伋看鸞翮薄青
旻光霽襟期風所尊江東文學典型存皋比望重春風席講幄
談深夜雪門有用兼金還待鑄成蹊一樹自無言鰕才何幸叨
培植化雨猶期澤潤溫二詩公手書於摺扇得二王楷法妙處
今學傅尙家藏焉所謂譽翁不知誰某蓋此扇終於未獻者渭
叟吟云渭濱白髮已凝凝西土非熊夢未占一笑直釣釣不得

何因璜玉又韜鈴則公之鈞亦寓焉耳

盧文學定字觀揚長身偉貌書學董文敏丹青妍秀弔逸民吳
浩然墓序云逸民新安人也諱道配博學敦行鼎革後絕意進
取隱居教授卒葬虞山私諡清節先生詩云獨留清節照人寰
皎皎孤蹤不可攀區宇共瞻新日月夢魂常繞舊河山千秋定
論應稱逸百世流風可化頑虞仲山頭埋骨處松風謾謾水潺
潺贈梅屏

自注在虞
山北麓

忍修和尚云禪心天半月詩思雨中山拜

岳墓云請碎階前頑鐵像此間無處著姦雄讀之殊快人也

范文學上貞字心一銳於科名困憤致疾詩不多作然如別單
山人云明月上山來照見山中路半酣辭主人出門衣沾露月

影恰多情作伴下山去長嘯聞孫登引我屢回顧殊清越可喜
蔣太僕漣字檀人號省菴康熙四十八年進士五十七年皇太
后升祔太廟禮成分遣廷臣祭告歷代帝王陵寢故事祠官皆
京卿若侍從必讀講以上及是特旨盡列翰詹諸臣名故省菴
以編修往河南恭紀詩云闕宮升祔典初成秩祀參稽次第行
將禮聖朝隆孝享明禋異代格精誠十行闕下聞宣詔三館班
中總上名故事大僚膺特簡微臣捧節最叨榮先王父視學中
州家大人由中州臬司累擢雲貴總督漣又奉特旨遣往中州
祭告三世蒙恩皆莅茲土真異數也恭紀云春風擁節玉津園
此地由來舊澤存魯國諸生都入座廬江小吏尙銜恩舳舨海

內談經少嶽嶽天中執法尊今日使君人識否爲臣爲子又稱
孫三四配偶精工又復宕逸通首布置亦合寄吳荆山前輩云
早歲才華擅國珍旋登三榜涉雲津十年淡泊紆宸眷一代風
流啟後塵殿上校紉恩獨渥篋中藻鑑識偏眞卽今絳帳生徒
繞私淑瑩窗大半人三四寫出荆山身分結尤見與他學使不
同佳句如東邯鄲令曹吉士云琴堂吏散投壺去麥隴人歌讓
昨來贈吳丹山刺史云清風淇澳羅千竹長嘯蘇門湧百泉贈
牟東山方伯云八郡河山歸左轄九州風氣得中央溫雅駘宕
風度端凝皆在使豫草中左轄二字本少陵詩原非指今布政
使言攷楊鐵厓有送呂左轄詩則前人已有用之者矣

歸文學洪字筠洲號猗園卽詩苑所載士瑄子七星古檜云琳
宮縹緲依山巔中有古檜摩青天虬枝老榦勢蟠攫亭亭偃蓋
生雲煙步虛人去星壇靜幽花細草攢根冷風過時驚碧海濤
月來忽走蒼髯影君不見臺城王業黯然消煙柳全非舊日條
山阿留得千年質勁骨凌霜識後彫

譚進士紹隆字道興康熙五十一年武進士通文事尤工擘窠
大書詩不可得僅見題謝節母遺照一首云三十餘年苦節香
滿堂椽筆表幽光披圖想見松筠操濡墨題詩起雪霜

陸孝廉宸鎔字治城次公子也康熙五十二年舉人不樂仕進
家僮百數十人盡放遣而焚其券人尤稱爲善事和次公園林

十詠韻如嘉蔭堂云三楹巖壑畔退隱自閒閒海氣籠朝旭春
陰暗晚山尋僧攜杖出訪友破雲還手澤留嘉樹臨風未敢攀
鬱蒼樓卽十五松山房云朱樓瞰空谷落落蔭喬松畫棟邀巢燕垂簾
避螫蜂朗吟思趙嘏高致想元龍靈爽先公在忼忼慄色容春
容雅鍊不愧名家子弟也

席文學祐信字孚若鈞渚人爲學傳高祖聞聲公高足溪上見
一首用單聞聲先生韻云獨步秋光好溪邊照落暉花翻野蝶
動水點白鷗飛孤石釣翁枕亂荷浣女衣一鉤新月上又見采
菱歸哭單聞聲師云名著文章易身全道德難古今不再得天
地獨輕看鳳去桐枯早泉深玉葬寒一哀千點淚暮雨亦漫漫

過單聞聲師故居云巷廢簞瓢在人亡書劍存千秋悲逝水百
計欲招魂總有山陽作難酬鮑叔恩重來增慘切白日亦黃昏
三詩雅有神致

王文學應奎字東溲別號柳南居鳳塘橋恆以四几繞身堆積
卷素鉛黃其中往還皆一時知名士先是虞山詩派錢東澗主
才馮定遠主法後學各有所宗柳南並飫聞其說而序許惠時
詩則曰傑魁之才肆而好盡則學錢而失之輕俊之士巧而近
纖則學馮而失之故沈文憲公序柳南詩謂窺其意殆欲以雋
永超詣化學兩家者之不足然學傅徧觀所著詩文用意處畢
竟近馮氏爲多矣詠古云梁武呼荷荷漢成笑吃吃候景攝魂

使飛燕鉤命卒爲讎與爲恩到此難區別殊警闢也五言佳句
如乙未元旦立春云物情憑鼠卜詩卷記羊年挽宋玉才云楊
柳凋張緒芙蓉死謝郎西村訪友云抵牴牾牛作字戲水鴨能言
負暄云牆角檐牙畔風恬霧散時僧舍訪菊云到來如入畫坐
久自成詩送西京云斜陽移客影落葉帶愁聲水仙云盆縮蓬
萊水花淩姑射仙西郊楓葉云與霞爭氣色和菊老風情又云
光圓驚鳥雀彩散炫村墟岳忠武墓云死心歸詔獄生氣滿空
山皆竭力烹鍊想見斷髭七言初近才調集老年轉近查他山
韓園看梅云從教身入和香化更喜開來似我寒九日登馬鞍
山云自與秋山爭氣爽忽隨鴈影入雲高人日宴集云一點梅

花春氣色十分吟興酒精神吳棉云暖愛重裘應見棄弱憐纖
手不教彈盆中白蓮云一泓縮得池千頃六月迎來雪半簾伍
相廟云忠魂若解傷吳沼厲鬼何難覆越船皆堪咀諷古文小
品亦得韓歐程式不特詩苑隨筆續筆至今膾炙也

顧文學謙字有光號樵雲健於詩爲王西澗所賞游文書院山
長程勻至觀察光鉅每與唱和秋日雜詠云一葦無煩縱所如
巢栖小小築茅廬蕉心尙碧思拙候梧葉新黃入病初半世風
光因賤得百年親舊爲貧疏久甘衡泌休相訝醫俗還須幾卷
書八月十六夜云舉頭思往事隔夜便成塵亦警句也

潘文學仁字德嘉號嘯菴居梅李鎮幼有大志凡天文地理兵

法歷律之學皆喜涉獵嘗曰班定遠投筆封侯羊叔子輕裘緩帶原是讀書人本色也惜不永年懷陸建偉云柳岸繁紆略約斜煙波一曲是君家閒愁起處多芳草小疾平時已落花破寂無方聊覓醉邀歡有夢獨生嗟憑誰寄取相思句爲約明朝上釣槎同人鶴溪晚泛云迴塘鶴舞勢蹁躑與客攜壺上釣船雲物是詩秋色裏江城如畫夕陽邊歸帆遠動參差影宿鳥斜衝斷續煙赤壁舊遊知孰勝羽衣應更問坡仙殆善學才調集者詠螢韓瓶二絕尤警策向已選入大觀集工書名鎬者卽其孫也

許別駕炳原名肅字雍之號太初家世尙咏吟少貧習賈豪爽

任事溥游京師爲內大臣丁公永貞所知康熙四十七年保舉

知江津縣升夔州府通判調長沙府通判攝知府事降補慈溪

縣以慈惠勤民卒於任至今民尸祝焉生平足迹半海內才氣

清華得江山之助嘗夢白髯翁持小松四命植庭前因署其詩

爲四松堂集放船云殘冬辭白帝灩澦聲城根峽勢連雲湧江

流帶雨奔寒天無鴈度絕壁有猿蹲

少陵東屯時暫睡想猿蹲

萬里歸舟急

慈親正倚門舟次夷陵先寄王逢節會山云乍入夷陵界行行

漸覺寒

峽中天氣隆冬不寒

順流移岸速出峽仰天寬畏路從茲別驚魂

已稍安舟師應謝汝送我過風灘梅花云樹以冰爲骨花將玉

作胎公安云谷鳥昏投樹江魚暗入筒平望道中云岸轉青山

出船衝白鳥飛都中消寒會云身滯薊門忘作客座多吳語似
還鄉同雅侍衛紫菴郭明府偉公西山紀遊云極目煙嵐遠近
分芳郊聯袂絕塵氛泠泠松韻巖頭落汨汨泉聲樹杪聞薜荔
倒懸將墮石峯巒橫截欲崩雲行行且就招提宿回首西崦見
夕曛峭壁何年鬼斧開攀緣力怯幾遲回亂奔雲勢山疑動深
結嵐陰雨欲來石罅鶴鳴栖老樹竹間鹿迹破蒼苔劇憐濟勝
曾無具獨有登臨興未灰

歸明經整字師濟著有做巖詩稿中秋無月云不見嫦娥照海
天夜闌人尙意懸懸娉嬀遙識多離恨佳節無心獨自圓七夕
云相逢一夜別經年烏鵲多勞負彩輶若使情緣無斷續天河

直待變桑田取意皆新

錢文學嶸字東霞號三野山人謂質野性野所尙又野也集忠孝事及軒岐說皆成編曰野史曰野方又顏其樓曰野齋本居支川晚年葺西城彌羅寶閣而新之栖宿西偏者三年註大洞經光明科十華祭煉李方伯贈匾曰高士蹤迹殊俶詭也詩有性餘集三卷詠史長短句多主懲勸錄其擬古二章云青青河上柳泛泛水中萍草木各異質焉知一本生大化所陶冶顛倒任紛更我身一粒粟往來無定程弗爲大化移貴在葆清貞幽蘭難作羹芳菊不結實萬物少全功福慧多周折聖賢琴上絃英雄刀頭血不如服紫芝挺然松柏節又如風勁思鳴鏑天寒

學飲虹撫劍豈無牛斗志濯纓止是蠹書人讀之可知人品

孫文學芝田字鶴亭系出右族以俊雅自喜晚登江上山云旅
中發清興閒行逐麋鹿山路轉盤紆人家隔花竹忽聽晚雞鳴
隱隱出茅屋落日半壁紅春潮一江綠帆影自聯翩歸鳥何促
速孤客伫高岡徬徨倚喬木還家未是家風前聊往復羨彼垂
釣翁月明江上宿立秋云絡緯三更月梧桐一夜風殆自然矣
趙文學世鉞字憲章號晴巖文毅公曾孫嘗集古今金石遺文
二十四卷籤曰體道南北馳驅困躓後作此蓋志不在卑近也
詩名入雲編多格律壯健之作宿維摩寺云砧杵村村急築場
登臨時已過重陽一天露氣星辰溼萬壑秋陰草木香古剎雲

團鐘響寂荒山月落澗聲長蕭條景色淒清思佛火蒲團伴夜
涼項王廟云封爵不行豪傑散笑他亞父好奇謀又云霸業一
朝投逝水夜臺猶著錦衣無議論咄咄逼人示兒曹四絕句王
良齋侍御稱爲藹然仁義忠孝之言庭誥家規足持風教特全
錄之蓋是時令嗣已科第聯翩讀其詩尤可知其謹飭也由來
屈蠖解求伸野老無成望後人除卻讀書行善外更將何事慰
衰親學期純粹志期堅德貴兼修業貴專俯仰若何無愧怍但
將忠孝作真詮祖先積累雖云厚餘慶知應若箇承踵武蓋愆
由爾輩好修方寸作傳燈應降凶殃善降祥只看夷跼易推詳
流芳遺臭昭千古分付兒曹自主張

謝上舍忘字右文號非仙父由新安遷吾邑兄名恩以武舉人
官守備非仙與汪杜林爲莫逆交下帷攻苦不得志於場屋齋
志早卒著述散佚外孫潘鎬拾得十餘首詩梓之謝友送酒瓶
十律茲錄其四於熨貼中自見開合章法也花盜較勝定州窯
惠我欣如得阿嬌貼稱大癡隨杖履安排陋巷佐簞瓢三升薄
醪於中滿萬斛閒愁就此消何夕好邀銜嶺月婆娑醉舞尙湖
橋挂向吳姬壓酒牀就花閒坐論名場文章從古無憑準瓢杓
由人自主張遮莫胸中羅錦繡總輸杯底泛瓊漿故交深意粗
能會似勸抽身入醉鄉呼童提挈遠隨身一杓分來麴米春若
許尊罍時有物何妨釜餽日生塵竹罌製就堪爲侶銅斗歌殘

易損神寄語諸公休羨慕酒仙衣鉢不傳人玉碎金鎔瓦獨全
儘同歡伯了情緣移來月下教兒洗飲盡花間作枕眠賞鑑未
逢蓮社友乞銘須向竹林賢相遺身後如相愛名與陶巾一樣
傳

蘇女士陳潔字太素康熙丙戌適陸蒼巖政爲繼妻詩才勝夫
有萬卷樓唱和集染畫花鳥蒼秀無脂粉習暮歲孀居家益貧
池州府靜樂李太守以書幣聘入官署教其子女姬妾將應聘
作放歌行云我生我生復何爲夫亡子幼家道衰釜甑塵生常
斷炊鷄衣百結凍逼肌烏哺母兮燕哺兒我愧不如空自悲自
愛天生丰骨奇凌雲俠氣冰雪姿詩情畫意肯讓誰搖筆靈秀

飛英粦一朝夫死百累隨
良桐代爨殊怨咨老屋傾頽風雨敲
蓬蒿滿徑鬬雀飢官逋私負無計支
難甘原憲貧若斯技巧雖有無可施
天高高兮訴難知安得乘風海之湄
拾瑤草兮采紫芝懷八極兮游且嬉
脫此俗累百不羈歌以言志爲此詩
百世而下當鑑之按此必當時有阻
之者憤氣直達幾不類閨中筆

墨攷唱和集

在翁兩松處無錫本

甲辰小春望日恆兒初學爲文蒼巖首

唱太素和韻示兒有爾父無成六十過之句而是集編至乙巳則太素之寡其年當亦不減五十至甲寅始應李太守之聘中秋登池署蟾光閣云一從夫子仙遊去百累攢心過十秋正與陸南香培詩序所稱蒼巖去世垂十餘年合則是時已皤然老

嫗誠可無嫌既二載歸留別李夫人云別時休悵音徽遠靜讀
葩經恍見君贈公子云老人不是金天姥卻識芙蓉及第時極
有致今所傳萬卷樓集三卷卽李所刻也其未刻詩和蒼巖詠
雪韻有天矯蒼留戶外官句亦嘗與王蘭韞女士慧唱和

王女士慧字蘭韞太倉人長源學使之女冰菴太守之姊一家
能詩淵源深廣適吾邑東塘墅朱文學方來中歲罄居所著凝
翠樓詩有大家風範五古乃希風昌黎者別裁集所選皆可傳
之作茲錄其探羽卿病已愈喜作云偶傳薄病怯秋情過訪聊
憑一棹輕繫纜豫愁誰款接到門先喜主逢迎胸無塵滓清逾
迴心在煙霞癖已成從此加餐須努力老年相傍樂餘生風格

整潔又過羽卿云臨歧柳色深如許切莫凝妝上翠樓此隨園詩話所載來年春到江南處楊柳青青莫上樓之嚆矢也又羽卿過舍云竹閒話兩人如月花下行杯氣勝蘭羽卿者姓張乃夫黨中表姑亦塘墅人喜誦蘇詩蘭韞與之唱和誼比壘簾其詩當亦不凡惜無流傳

張烈婦章孔榮陝西人適張廷桂爲後妻廷桂父蘭爲陝西知縣康熙四十五年卒於官孔榮植夫出常懸劍牀側以擬倉卒夫死撫甯縣幕樞歸與前妻合葬烏目墩投穴以救免無子與幼女獨居服除奠畢闔戶自縊人覺而解之次日旣夕抱夫畫像潛至水側懸像岸上自沈死比曉家人始知見屍而夫畫像

端坐水中有絕命辭數章末章云憶往事兮雙淚沾巾想當年
兮妾病沈惛感君愛兮信誓殷勤云妾歿兮君必亡身嗟今日
兮命不由人君先亡兮妾豈偷存痛萬里兮生會無因輕一命
兮地下從君求神明兮引我孤魂覓天涯兮不惜艱辛得伴君
兮死亦歡欣十七年兮夫婦深恩食糟糠兮敢怨君貧中路訣
兮命蹇時屯喪葬畢兮不死何云傷幼女兮失母誰親死爲君
兮此外何論又留書與夫之諸弟曰初聞訃卽欲死念夫無後
無人喪葬今服除除死更無別事前議俟叔生子爲夫立後勿
誑我無後孤魂但家事空空無可如何止有田十四畝可將十
畝與所嗣子四畝與鳳女我死棺木不可多費我心不安有許

氏屋價十金乞將我埋先夫塋次愚嫂章孔榮手留殉烈時年三十四今三元堂有二烈祠一明代李氏一卽章氏也

王女士蓀字蘭姒號秋士長洲人爲薛孝穆處士熙繼配孝穆善古文柳南言其晚節移家蘇城得元高士陳惟寅淶水園居之四方名士過吳必以君家爲歸極一時觴詠之樂儲太祝詩孺人喜逢迎稚子解趨走可移贈也有淶水唱和集人日卽事云預訂芳辰罷掩關依君屐齒過西灣亦趨水閣看新築並入山堂認舊顏綴樹無花徵婦嬾貼屏有勝學兒頑道衡詩思尊前發欲效顰時未許閒詩苑載孝穆人日攜內子散步池上作此和其韻也

水仙藏
德齋
後得
次列
題

吳淑人綃字素公一字冰仙長洲人吾邑許參政瑤配也詩名
著一時兼工琴棋書畫著有嘯雪軒前後二集錄其和龍燈行
韻云怒甲鮮鱗火光烈煖霧凝煙暗相逼左盤右燧攬復擎驤
首高雲欲飛入初春潛蟄猶未驚陸地忽見真龍形三停九似
眼未覩前擁明珠如巨星葉公所畏應若此宛曲燈前膩塵裏
疑是龍門燒尾時卻恐滿城翻海水團團皓魄不可攀貝闕珠
宮波浪寒千金有技屠不得騰身祇恨龍堂窄蛟脂然燭香氤
氲電燐霞燦宵深明何人解學劉累術天邊常駕雙龍行殊豪
逸也題杏花黃鶯畫云文君機上分明見一隻金梭萬點紅尤
見巧思

歸女士湘字溶溶諸生士瑄女適王氏能畫善詩春日村居云
竹翠沙明迴絕塵恰看浩蕩大江春門前車馬應嫌僻鏡裏鶯
花不笑貧幾陣和風開柳絮一番快雨洗苔茵年來種得桃千
樹偷倣仙源學避秦

謝節婦潘氏江陰教諭謙光姪女年十六適謝文學廷爵二十
而寡六十一而卒家南郭之凌雲橋左遺治家詩四卷程勻至
觀察光鉅評云通閱節母詩矢志堅貞節錄四首通詳請題乾
隆二年奉旨旌表並編入一統志所錄四絕句有云五載替夫
勤奉侍敢偷片刻續麻閒又可憐告貸無頭路便翦青絲植幾
錢又漫叨閭里稱貞節銘勒深恩到九泉一時士夫題詠成帙

曾孫翼揚哀所贈并四詩付剗厠署曰謝節母題誌